

**VENDIM****Nr. 250, datë 30.3.2016****PËR DISA NDRYSHIME DHE SHITESA
NË VENDIMIN NR. 933, DATË 29.12.2014,
TË KËSHILLIT TË MINISTRAVE, “PËR
MIRATIMIN E STRUKTURËS
ORGANIZATIVE TË QENDRËS
KOMBËTARE TË URGJENCËS
MJEKËSORE”**

Në mbështetje të nenit 100 të Kushtetutës dhe të neneve 7, pika 2, e 25, të ligjit nr. 147/2014, “Për shërbimin e urgjencës mjekësore”, me propozimin e ministrit të Shëndetësisë, Këshilli i Ministrave

VENDOSI:

Në vendimin nr.933, datë 29.12.2014, të Këshillit të Ministrave, bëhen ndryshimet dhe shtesat si më poshtë vijon:

1. Lidhja 1, bashkëlidhur vendimit, zëvendësohet me lidhjen me të njëjtin numër, bashkëlidhur këtij vendimi.

2. Në pikën 1 shtohet fjalia me këtë përmbajtje:

“Numri i përgjithshëm i punonjësve për Qendrën Kombëtare të Urgjencës Mjekësore, për vitin 2016, është 58 veta dhe për vitin 2017 e në vazhdim është 90 veta.”

3. Pika 3 ndryshohet dhe bëhet:

“3. Pjesë e Qendrës Kombëtare të Urgjencës Mjekësore (QKUM) është Njësia e Koordinimit të Urgjencave Mjekësore, e cila bën komandimin dhe koordinimin e Njesisë së Transportit Mjekësor me Helikopter dhe Shërbimit të Urgjencave Mjekësore. Qendra Kombëtare e Urgjencës Mjekësore është përgjegjëse për trajnimin e personelit mjekësor dhe paramedikal në të gjitha nivelet e kujdesit shëndetësor, sipas standardeve kombëtare e ndër-kombëtare. Qendra Kombëtare e Urgjencës Mjekësore bashkëpunon me organizata të tjera kombëtare ose ndërkombëtare, të autorizuar ose të certifikuar nga institucionet përkatëse në Shqipëri apo në vende të tjera, për kryerjen e trajnimit në fushën e urgjencës mjekësore. Qendra Kombëtare e Urgjencës Mjekësore lidh marrëveshje me institucionet e arsimit të lartë, sipas legjislacionit në fuqi për arsimin e lartë dhe me institucione të kujdesit shëndetësor.”

4. Pas pikës 4 shtohet pika 4/1 me këtë përmbajtje:

“4/1. Njësia e Koordinimit të Urgjencave Mjekësore është operative 24 orë, për 7 ditë të javës, dhe koordinohet nga përgjegjësit e turnit, të cilët janë mjekë të Njesisë së Koordinimit të Urgjencave Mjekësore.”

5. Në pikën 7 bëhen këto ndryshime:



a) Në shkronjën “b”, pas fjalës “Bashkërendimi...” shtohet fjala “... pjesëmarrja...”.

b) Pas shkronjës “dh” shtohet shkronja “e”, me këtë përmbajtje:

“e) Drejtori i Qendrës Kombëtare të Urgjencës Mjekësore, për mbulimin e shërbimit me personel mjekësor në Njësinë e Transportit Mjekësor me Helikopter, përzgjedh nga njësitë e urgjencave

mjekësore dhe cakton personelin mjek e infermier sipas një grafiku të paracaktuar.”.

Ky vendim hyn në fuqi pas botimit në Fletoren Zyrtare dhe ndryshimet e propozuara në pikën 1 të këtij vendimi, hyjnë në fuqi më 1 janar 2017.

KRYEMINISTRI
Edi Rama

Lidhja 1

STRUKTURA E QENDRËS KOMBËTARE TË URGJENCËS MJEKËSORE	
DREJTORI I PËRGJITHSHËM	1
Sekretare	1
Drejtoria e Financës, Investimeve dhe Buxhetit	
Drejtori	1
Sektori i Financës/BUXHETIT/INVESTIMEVE	
Përgjegjës sektori	1
Specialistë finance	3
Llogaritar i mesëm	1
Specialist investimesh (ekonomist, inxhinier)	1
Sektori i Shërbimeve Mbështetëse	
Përgjegjës sektori	1
Specialist i BNJ-së	1
Specialistë IT	2
Specialistë juristë	2
Arkivist	1
Shoferë	2
Sanitare	5
Magaziniere	1
Specialist prokurimi	1
Kordinatore logjistikë	2
Drejtoria e Koordinimit të Urgjencave Mjekësore	
Drejtor	1
Sektori i Njësisë së Koordinimit të Urgjencave	
Përgjegjës sektori (mjek)	1
Kryeinfermier	1
Specialistë të lartë (mjekë)	15
Specialistë të lartë (infermierë)	24
Sektori i Trajnimeve, Certifikimeve dhe i Akreditimit	
Përgjegjës sektori	1
Specialist të lartë	3
Sektori i Parandalimit, Kontrollit të Cilësisë dhe Edukimit	
Përgjegjës sektori	1
Specialistë të lartë	4
Drejtoria e IT, Statistikës dhe Regjistrimit të urgjencës	
Drejtor	1



Sektori IT	
Përgjegjës sektori	1
Specialistë të lartë IT	2
Specialist i lartë inxhinier telekomunikacioni	1
Specialistë të lartë inxhinierë	2
Sektori i Statistikës dhe Regjistrit të Urgjencës	
Përgjegjës sektori	1
Specialistë të lartë	2
Operatorë	2
Numri total	90